



Fondo Libros e axudas material escolar

Que podes solicitar?

Axudas para adquirir libros de texto: 1º e 2º Ed. Primaria, alumnado con discapacidade.

Fondo solidario de libros: Alumnado de 3º e 4º de Ed. Primaria e de 3º e 4º da ESO

Axudas para material escolar: todo o alumnado de Ed. Primaria, ESO e Ed. Especial.

En que consisten as axudas?

Fondo solidario:

Renda per cápita familiar igual ou inferior a 6.000€ : 6 libros

Renda per cápita familiar superior a 6.000 € e igual ou inferior a 10.000 €: 4 libros

Alumnado con discapacidade superior ao 65%: 6 libros ou 300€

Axudas para adquirir libros de texto:

Renda per cápita familiar igual ou inferior a 6.000 €: 240€

Renda per cápita familiar superior a 6.000 e igual ou inferior a 10.000 €: 160€

Alumnado con discapacidade igual ou superior ao 65%: 300€

Axudas para material escolar:

Renda per cápita familiar menor o igual a 6.000€: 75€

Renda per cápita familiar maior de 6.000 e igual ou inferior a 10.000€ : 60€

Presentación de solicitudes

Poderán presentar solicitudes de participación do fondo solidario de libros de texto e axudas para adquirir libros de texto e material escolar os pais, nais, titores ou representantes legais do alumnado.

A solicitude será única para todos os fillos e fillas e, de ser o caso, tutelados e tuteladas, que estean admitidos no mesmo centro docente para o curso 2024/25.

As solicitudes presentaranse preferiblemente por vía electrónica a través do formulario normalizado (ED330B-anexos I e II), accesible dende a sede electrónica da Xunta de Galicia, <https://sede.xunta.gal>

Opcionalmente, poderanse presentar as solicitudes presencialmente nos centros docentes.



A solicitude deberá estar asinada polo pai, nai, titor/a ou representante legal do alumnado, e a súa presentación implicará que **se compromete a conservar en bo estado e a devolver, ao finalizar o curso, os libros de texto e o material reutilizable** recibidos do fondo solidario ou adquiridos coa axuda para libros de texto.

Documentación a presentar

- [Anexo I e Anexo II](#) da orde de libros cuberto e asinado. Unha soa solicitude por unidade familiar.
- Copia do libro de familia ou documento equivalente, onde figure o alumno/a e todos os membros computables. En caso de separación ou divorcio, deberase tamén entregar a sentenza ou convenio onde conste a atribución da custodia do menor.
- Certificado de discapacidade, se fose o caso, recoñecido por un órgano que non pertenza á Xunta de Galicia.
- Violencia de xénero: Acreditarase en calquera das formas que enumera o artigo 5 da Lei 11/2007, do 27 de xullo, para a prevención e o tratamento integral da violencia de xénero.
- Todos os documentos deberán ser válidos e eficaces no momento da súa presentación, e reflectir a situación persoal, familiar e económica a 31 de decembro do 2022

Prazo de solicitudes:

O prazo de presentación electrónica finaliza a 21 de xuño de 2024. Para facer a solicitude no centro, a fin de facer máis eficiente a tramitación das mesmas, establécense os seguintes períodos preferentes:

EI/EP : do 27 ao 31 de maio

ESO: do 3 ao 7 de xuño

De facer a solicitude presencial no centro, deberase traer a solicitude cuberta e asinada e as fotocopias necesarias en cada caso. Non se farán fotocopias no centro.

Devolución de libros do curso 23/24

Os solicitantes de axudas para adquirir libros de texto ou participar do fondo de libros teñen a obriga de devolver os libros de texto e o material reutilizable adquirido coas axudas para libros de texto ou recibido do fondo solidario no curso 2023/24.

O prazo de devolución será entre o 17 e o 21 de xuño na administración do centro.



Publicación de listaxes

Listaxes provisionais: anunciaranse na web e, en calquera caso, publicaranse antes do 12 xullo 2024. Nos dous días seguintes poderán efectuarse reclamacións.

Listaxes definitivas: anunciaranse na web e, en calquera caso, publicaranse antes do 26 de xullo de 2024.

Entrega de vales de compra de material e libros

Os vales serán entregados, preferentemente, nos cinco días hábiles seguintes á publicación das listas definitivas. Só poderán ser recollidos polo solicitante ou persoa autorizada polo mesmo e debidamente identificada (copia do DNI do solicitante, DNI do autorizado e autorización escrita a nome do autorizado/a).

Entrega de libros do fondo

A entrega de libros do fondo ao alumnado beneficiario se efectuará os días 5 (3º e 4º de EP) e 6 (3º e 4º ESO) de setembro.

Obrigas das persoas beneficiarias

As persoas beneficiarias de libros procedentes do fondo solidario do centro ou de axudas para adquirir libros de texto terán as seguintes obrigas:

1. Devolver os libros de texto e o material reutilizable adquirido coas axudas para libros de texto ou recibido do fondo solidario no curso 2023/24. Está excluído desta obriga:

a) O alumnado beneficiario de axuda para adquirir libros de texto de 1º e 2º de EP, agás cando cambie de centro antes do 31 de marzo de 2025, caso en que deberá devolver os libros no centro de orixe.

A falta de devolución dos libros de texto será causa de exclusión da participación no fondo solidario e das axudas para adquirir libros de texto e material escolar no curso 2024/25.

2. Conservar en bo estado os libros de texto e o material reutilizable recibido do fondo solidario ou adquirido coas axudas para libros de texto no curso escolar 2024/25 e devolvelos ao rematar este.

3. Destinar o vale para libros, única e exclusivamente, a adquirir os libros de texto que teña establecido o centro para o alumnado beneficiario.

4. Destinar o importe do vale para material, única e exclusivamente, a adquirir o material escolar que necesite.



Cálculo da renda per cápita

A renda per cápita da unidade familiar resulta de dividir a renda da unidade familiar no exercicio 2022 dividido entre o número de membros computables.

- A renda da unidade familiar será o resultado de sumar as rendas de cada un dos membros computables da familia que obteñan ingresos. Súmanse a base imponible xeral (recadro 435) e a base imponible do aforro (recadro 460). Cando non se presentase, teranse en conta os ingresos do certificado de imputacións de renda, pola AEAT.
- Os membros con discapacidade igual ou superior ao 33% computarán por dous.

Membros computables da unidade familiar

1. Para os efectos desta orde, terán a consideración de membros computables da unidade familiar:

a) As persoas proxenitoras non separadas legalmente nin divorciadas ou, de ser o caso, as persoas titoras do alumnado.

b) Os/as fillos/as menores de idade, con excepción dos emancipados. Terán a mesma consideración que os/as fillos/as as persoas en situación de tutela ou acollemento familiar ou preadoptivo legalmente constituído.

c) Os/as fillos/as maiores de idade, discapacitados cando teñan modificada xudicialmente a súa capacidade xurídica mediante a constitución de curatela representativa ou cando estean suxeitos a patria potestade prorrogada ou rehabilitada mentres non se produza a revisión desta medida.

d) Os/as fillos/as solteiros menores de 25 anos e que convivan no domicilio familiar.

e) As persoas proxenitoras separadas legalmente ou divorciadas con custodia compartida forman unha unidade familiar cos fillos que teñen en común.

f) A persoa que, por novo matrimonio, en situación de unión de feito ou en situación de afectividade análoga ás anteriores con convivencia, resida no domicilio familiar coa persoa proxenitora do/a alumno/a, agás nos casos de custodia compartida.

2. Cando non exista vínculo matrimonial, a unidade familiar entenderase constituída polo pai, a nai e todos os descendentes que convivan con eles e que reúnan os requisitos do punto anterior.

3. Non terá a consideración de membro computable:

a) A persoa proxenitora que non conviva co alumnado nos casos de separación legal ou divorcio, agás no caso de custodia compartida.

b) O agresor nos casos de violencia de xénero.

4. En todo caso, terase en conta a situación persoal e a composición da unidade familiar en 31 de decembro de 2022, agás cando unha sentenza de separación ou divorcio posterior a esa data atribúa a custodia exclusiva a unha das persoas proxenitoras, nos casos de violencia de xénero, en que se aplicará o disposto na lexislación específica, e nos casos de falecemento dalgunha das persoas proxenitoras.